



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

La
35
180

La 35.180.





9 [Anonymi]

INCERTI AUCTORIS

AD

CALPURNIUM PISONEM

CARMEN

GYMNASIO OPPOLIENSI

NOVAS STUDIORUM SEDES

III. MENSIS AUGUSTI DIE

INAUGURANTI

GRATULATURUS

EDIDIT

IULIUS HELD

GYMNASII OPPOLIENSIS

QUONDAM ALUMNUS,



VRATISLAVIAE,
TYPIS KUPFERIANIS.
MDCCCXXI.

La 35, 180

1871, April 20.

Gift of
Prof. E. W. Gurney,
of Cambridge.
(H. 76. 1852.)

GENIO

GYMNASII OPPOLIENSIS.

Carmen ad C. Calpurnium Pisonem scriptum, eundem, qui periit a U. C. DCCCXIX prodita coniuratione contra Neronem facta, cuius dux ipse fuerat, Ovidii operibus adiungi solitum ipsique Ovidio a nonnullis adscriptum primus, quod sciam, Hadrianus Junius inductus inscriptione codicis in bibliotheca ecclesiae Deiparae Virginis Atrebatensis reperti Annaeo attribuit Lucano. Assensum significarunt Jos. Scaligerus, Pithoeus, Ger. Jo. Vossius, Casaubonus aliique. Sententiam Junii Justus Lipsius felicissime impugnavit et mox in fugam nobilissimi poetae consenserunt Barthius, Dempsterus, Cupe-
rus; item postea Oudendorpius, Jo. Alb. Fabricius et novissime Jo. Christ. Wernsdorfius. Hic autem non contentus Lucano poemata abiudicasse orbae proli patrem circumspexit eumque in Saleio Basso, quem Vespasiani temporibus floruisse laude poetica constet, invenisse sibi visus est. Cf. eiusdem collect. Poett. latt. min. T. IV. part. I. pag. 43. Ego neque Saleium Bassum carminis auctorem agnosci posse censeo.

Qui primus poemata typis excudendum curaverit, incompertum est. E codice Ovidii opera continente primum prolatum puto: neque tamen, quae est Wernsdorfii suspicio (p. 47.), Jacobi Micylli operum Ovidii Basileensis editio ann. 1549 ad librum scriptum facta est. Etenim quae praesto mihi fuit Amat. Ovid. editio Lugdunensis ann. 1540, cui poemata illud adnexum est, textum, quem vocant, mendis quibusdam exceptis maxime typographicis eundem praebet atque oper. Ovid. editiones Frsf. ad Moen. 1575 et Lipsiae 1612 secundum postremam Jacobi Micylli recensionem excusae. Cum editione Lugdunensi vel cum Micylli recensione conspirant quatuor Gregorii Bersmanni editiones Lipsienses 1582, 1590, 1596, 1589, quarum tres priores Ovidiana simul, quarta Lucani Pharsaliam tenent.

Alteram poematis recensionem Hadrianus Junius inseruit Animadversion. Basil. 1556 edit. lib. VI. cap. 1, a Morillone factam e codice multum sane diverso ab illo vetustiorum editionum archetypo, fortasse tamen eodem, quo annis septendecim post Josephus Scaligerus usus est in recensendo carmine in Appendice Virgilii exhibito. Certe carminis recensio, qualis reperitur in Appendice Virgilii cura Lindenbrochii apud Franc. Raphelengium anno 1595 repetita uno tantum loco discrepat a textu Junii et quidem versu 216, ubi pro canemus Scaligerus tenemus dedit: quam diversitatem mea quidem suspicione aut Morillonis arbitrium peperit aut incuria Scaligeri satis manifestata in nota ad vers. 49. „diu finis (carmini) absuit, quem ego inveni in illo codice.“ Suum enim locum iam tenere in editionibus antiquioribus versus 72 — 83, (hos carmen finientes invenit), non adverterat: neque Junii recensio istos versus in

fine tenens ipsi cognita fuisse videtur. Diversus autem et ab illo Junii libro et ab illo editionum altioris vetustatis archetypo iste codex fuisse videtur, quem apud Eburones hospitantem se inspexisse Barthius scribit Advers. XXVII. c. 13. Cf. vers. carm. 183. — Theod. Pulmanni editiones Lucani ann. 1564 et 1576 itemque Corpus omnium veter. poet. Lat. Aureliae Allobrogum ann. 1611. 4. carmen etsi Junii beneficio auctori suo redditum se offerre profitentur: tamen l. l. cum Scaligero tenemus praebent.

Cortius textum carminis ad diversas editiones restituit eique varias editionum lectiones et coniecturas eruditorum subiecit, ita tamen ut, quatenus editionum hanc illamve variarum lectionum teneret, non indicaret; sed semper Alii tanquam referentes introducerentur. Carmen adnexum est Lucani editioni, quae Lipsiae prodit anno 1726. Textum Cortii Wernsdorfius repetivit Tom. IV. part. I. pag. 237 — 282. praedicandus, quia poema docte illustraverit, minus laudandus, quod, cum ab editionibus haud imparatus esset, accuratam earum comparisonem instituere et, quae hic illic a Cortio perperam enotata erant, emendare neglexerit: cuius rei insigne exemplum ostendet versus 37, quem in metro secundum Cortii iudicium Alii egregie laesissent. Ipse Wernsdorfius nonnullis locis lectiones perperam indicavit. Cf. vv. 207, 237.

Ego, quas commemoravi editiones, praeter illam Micylli ann. 1549, earum varias lectiones (non omissis, quas in aliis editionibus repertas Bersmannus in suarum margine apposuit) textui, quem dedi, una cum coniecturis eruditorum supposui, ita ut Cortii indicia, quae retinui, quia praeter meas aliis editionibus usus esse censi potest, quoad fieri posset, illustrarem et corrigerem. Ad textum vero quod attinet, cum certissima duplicis ab ipso versificatore factae recensiois vestigia reperisse mihi viderer, curas eius secundas restituto simul legitimo in Lugdunensi editione eiusque sequacibus iam exhibito versuum ordine effingere studui. Lectiones receptae in libris extant, exceptis duabus, quarum altera (v. 23) Barthii, altera (v. 254) mea coniectura est. Neque enim docuere, pro quo Barthius decuere proposuit, servari poterat, neque versus 154: — „Nos humilis domus et sincera parentum“ in hunc modum emendari non debebat: „Non humilis domus et sincera parentum.“ Nos structura verborum reiicit: non commendat et sensus loci et nexus. Se non humili genere ortum i. e. se ingenuum, se haud pravis parentibus natum versificator asseverat, paupertatis tamen caligine adeo obtectam domum parentum fatetur, ut ipse laudis viam insistere nequeat. Hoc firmant sequentia:

„Possumus impositis caput exonerare tenebris
„Et lucem spectare novam, si quid modo laetus
„Annuis et nostris subscribis, candide, votis.

Versu 239 Toantis vel Thoantis nomen superare non potui.

Quaestionem de auctore carminis, vestigia duplicis, quam invenisse mihi visus sum, recensiois, integram librorum notitiam, receptarum lectionum defensiones explicationesque locorum difficiliorum maior quam paro Editio dabit.

INCERTI AUCTORIS

C A R M E N

AD

CALPURNIUM PISONEM.

Unde prius coepti surgat mihi carminis ordo
 Quosve canam titulos, dubius feror. Hinc tua, Piso,
 Nobilitas veterisque citant sublimia Calpi
 Nomina Romanas inter fulgentia gentes:
 Hinc tua me virtus rapit et miranda per omnes 5.
 Vita modos: quae, si deesset tibi forte creato
 Nobilitas, eadem pro nobilitate fuisset.
 Nam quid imaginibus, quid avitis fulta triumphis
 Atria, quid pleni numeroso consule fasti
 Profuerint, si vita labat? perit omnis in illo 10.
 Gentis honos, cuius laus est in origine sola.
 At tu, qui tantis animum natalibus aequas
 Et partem tituli, non summam, ponis in illis,
 Ipse canendus eris! nam quid memorare necesse est,
 Ut domus a Calpo nomen Calpurnia ducat 15.
 Claraque Pisonis tulerit cognomina prima,
 Humida callosa cum pinseret hordea dextra?
 Nec, si cuncta velim, breviter decurrere possim:
 Et prius aetheriae moles circumvaga flammae
 Annua bis senis revocabit mensibus astra, 20.

Variae lectiones.

V. 8. fulta) Forte: culta. C. — 8. triumphis) »tropaeis voluit Heinsius. —
 Wernsd. — 10. si) Alii: cui. C. Sic Jun. Pulm. Scalig. — 11. Gentis honos) sic vir do-
 ctus. C. Item Lugd. 1540. Micyll. Bersm. nobilitas Jun. Pulm. Scalig. Aurel. mgo.
 Bersm. — 11. cuius) cui. Aurel. vitio typoth ut videtur. — 11. laus) latus Lugd. v. t. —
 12. At tu) Sic Lugd. Micyll. Bersm. Felix. Jun. Pulm. Scalig. Aurel. mgo Bersm. —
 15. Calpurnia) Calphurnia Lugd. — 17. humida) Scalig. coniec. fumida. — 19. aethe-
 riae) aethereas. Lugd. aethereae Pulm. 1564. Scalig. Micyll.

Quam mihi priscorum titulos operosaque bella
 Contigerit memorare: manus sed bellica patrum
 Armorumque labor veteres decuere Quirites
 Atque illos cecinere sui per carmina vates.
 Nos quoque pacata Pisonem laude nitentem 25.
 Exaequamus avis. Nec enim, si bella quierunt,
 Occidit et virtus: licet exercere togatae
 Munera militiae: licet et sine sanguinis haustu
 Mitia legitimo sub iudice bella movere.
 Hinc quoque servati contingit gloria civis 30.
 Altaque vitrices intexunt limina palmae.
 Quin age maiorum, iuvenis facunde, tuorum
 Scande super titulos et avitae laudis honores,
 Armorumque decus praecede forensibus actis!
 Sic etiam magno iam tunc Cicerone vigente 35.
 Lauream facundis cesserunt arma togatis.
 Quaeque patrum claros quondam visura triumphos
 Olim turba vias impleverat agmine denso,
 Ardua nunc eadem stipat fora, cum tua moestos
 Defensura reos vocem facundia mittit. 40.
 Seu trepidos ad iura decem citat hasta virorum
 Et firmare iubet centeno iudice causas,
 Seu capitale nefas operosa diluis arte,
 Laudibus ipsa tuis resonant fora. Tu quoque, Piso,
 Iudicis affectum possessaque pectora ducis 45.

Variae lectiones.

21. priscorum) Barthius coniec.: Pisonum. Adv. 49. 7. — 23) decuere) e coniectura Barthii. omnes: docuere — 26. nec enim si) tamen etsi Scalig. Jun. Pulm. Aurel. Cort. Wernsd. — 27. Occidit et) non periit Scalig. Jun. Pulm. Aurel. Cort. Wernsd. — 30. hinc) hic Lugd. Bersm. Micyll. — contingit) continget Lugd. Bersm. Micyll. — 31. vitrices) victricis Lugd. victores legit Casaub. ad Suet. Domit. cap. ult. — 35. magno) magnae Lugd. — vigente) iuventae Lugd. — 37. Quaeque patrum claros quondam visura) Sed quae Pisonum claros visura Lugd. Micyll. Bersm. — 43. nefas) nephas Lugd. Micyll. 1575. — 44. Tu quoque Piso) namque ubi Piso Bersm. »haec est lectio editionum ante Junium et Scaligerum.« Wernsd. dura Piso.

Victor: sponte sua sequitur, quocunque vocasti:
 Flet, si flere iubet: gaudet gaudere coactus:
 Et te daute capit iudex, quam non habet, iram.
 Sic auriga solet ferventia Thessalus ora
 Mobilibus frenis in aperto flectere campo, 50.
 Qui modo non solum rapido permittit habenas
 Quadrupedi, sed calce citat, modo torquet in auras
 Flexibiles rictus, et nunc cervice rotata
 Incipit effusus in gyrum carpere cursus.
 Quis non attonitus iudex tua respicit ora? 55.
 Quis regit ipse suam, nisi per tua pondera, mentem?
 Nam tu, sive libet pariter cum grandine nimbos
 Densaue vibrata iaculari fulmina lingua,
 Seu iuvat adstriotas in nodum cogere voces
 Et dare subtili vivacia verba catenae, 60.
 Vim Læertiadae, brevitatem vincis Atridae:
 Dulcia seu maior liquidoque fluentia cursu
 Verba, nec incluso sed aperto pingere flore,
 Inclita Nestorei cedit tibi gratia mellis.
 Nec te, Piso, tamen populo sub iudice sola 65.
 Mirantur fora, sed numerosa laude senatus
 Excipit et meritas reddit tibi curia voces.
 Quis digne referat, qualis tibi luce sub illa
 Gloria contigerit, qua tu reticente senatu,
 Cum tua bis senos numeraret purpura fasces, 70.
 Caesareum grato cecinisti pectore numen!

Variae lectiones.

nam Lugd. Micyll.: utriusque mgo. namque ubi Piso. Tu quoque Piso Scalig. Jun.
 Pulm. Aurel. Cort. Wernsd. — 45. ducis) Alii: tentas, C. Sic Lugd. Micyll. Bersm.
 c. mgo: ducis — 46. victor) Alii: victus C. Sic Lugd. Micyll. Bersm. c. mgo: victor —
 47. iubet) Alii: libet C. Sic Lugd. Micyll. Bersm. c. mgo: iubet. — 47. coactus) Bar-
 thius coniec. vocatus. Adv. 49. 7. — 48. quam) Alii: si C. Sic Lugd. Micyll. Bersm. c. mgo:
 quam. — 52. auras) quidam: aures, C. Barthius coniecit: armos, quod Wernsdorfius
 probat. — V. 62. Dulcia) alii dulci. C. Sic Lugd. Micyll. Bersm. c. mgo: dulcia. —
 69. reticente) Alii retinente. C. Sic Lugd. Micyll. 1575, Bersm. cuius mgo: reticente.

Quod si iam validae mihi robur mentis inesset
 Et solidus primos impleret spiritus annos,
 Auderem voces per carmina nostra referre,
 Piso, tuas: sed fessa labat mihi pondere cervix 75.
 Et tremefacta cadunt succiso poplite membra.
 Sic nec olorinos audet Pandionis ales
 Parva referre sonos, nec, si velit improba; possit:
 Sic et aëdonia superantur voce cicadae,
 Stridula cum rapido faciunt convicia soli. 80.
 Quare age Calliope posita gravitate forensi
 Limina Pisonis mecum pete: plura supersunt,
 Quae laudare velis inventa penatibus ipsis.
 Huc etiam tota concurrit ab urbe iuventus
 Auditura virum, si quando iudice fesso 85.
 Turbida prolatis tacuerunt iurgia rebus.
 Tunc etenim levibus veluti proludit in armis
 Compositisque suas exercet litibus artes.
 Quin etiam facilis Romano profluit ore
 Graecia, Cecropiaeque sonat gravis aemulus urbi. 90.
 Testis Acidalia quae condidit alite muros
 Euboicam referens fecunda Neapolis arcem.
 Qualis, io superi, qualis nitor oris amoenis
 Vocibus! hinc solido fulgore micantia verba
 Implevere locos, hinc exornata figuris 95.
 Advolat excusso velox sententia torno.
 Magna quidem virtus erat, et si sola fuisset,

Variae lectiones.

72. vv. 72—84 Scal. Jun. Pulm. Bersm. Aurel. Cort. Wernsd. post v. 261 coeperit
 et nondum etc. ponunt. — 72. jam) tam Jun. Pulm. Scalig mgo. Bersm. Aurel. Cort.
 Wernsd. — 74. voces) dotes coniec. Santenius Wernsd. test. — 77. Sic) Alii: sed. C.
 Sic Jun. Pulm. Scalig. mgo Bersm.: sed. — 79. aëdonia) hedionia. Lugd. in mge aë-
 donia. — 80. rapido) rabido coniec. Santenius Wernsd. test. — 83. quae) quis
 Micyll. 1575. — 85. virum) verum Micyll. 1575 vitio typ. — 87. etenim) Alii: etiam.
 C. Sic Micyll. Bersm. c. mgo: etenim, li. tres. — 88. compositisque) compositusque
 Lugd. Micyll. 1575. — profluit) Alii: perfluit. C. Sic Micyll. Bersm. c. mgo: profluit,

Eloquio sanctum modo permulcere senatum;
 Exonerare pios modo, nunc onerare nocentes:
 Sed super ista movet plenus gravitate serena 100.
 Vultus et insigni praestringit imagine visus:
 Talis inest habitus; qualem nec dicere moestum
 Nec fluidum, laeta sed tetricitate decorum
 Possumus: ingenitae stat nobilitatis in illo
 Pulcher honos et digna suis natalibus ora. 105.
 Additur huc et iusta fides et plena pudoris
 Libertas animusque mala ferrugine purus,
 Ipsaque possesso mens est opulentior auro.
 Quis tua cultorum, iuvenis facunde, tuorum
 Limina pauper adit, quem non animosa beatum 110.
 Excipit et subito iuvat indulgentia censu?
 Quodque magis dono fuerit pretiosius omni,
 Diligis ex aequo, nec te fortuna clientum
 Natalesve movent: probitas spectatur in illis.
 Nulla superborum patiuntur dicta iocorum, 115.
 Nullius subitos adfert iniuria risus.
 Unus amicitiae summos tenor ambit et imos.
 Rara domus tenuem non aspernatur amicum
 Raraque non humilem calcat fastosa clientem.
 Illic casta licet mens et sine crimine constet 120.
 Vita, tamen probitas cum paupertate iacebit.
 Sed lateri nullus comitem circumdare quaerit,
 Quem dat purus amor, sed quem tulit impia merces;

Variae lectiones.

ibr. tres. — 90. Cecropiaeque) Cecropioque Lugd. — 90. sonat) Wernsd. coniec. so-
 nas. — 90. gravis) »favius Heinsius Advers. IV. c. 1. — Wernsd. — urbi) undae Cort,
 Wernsd. — 97. et si) Alii: etsi. C. Sic Bersm. c. mgo: et si. — 98. permulcere) Alii:
 perfulcire. C. Sic. Lugd. Micyll. Bersm. c. mgo: permulcere libr. duo. — 101. insigni)
 insignis Lugd. — 110. beatum) »Cuperus Observ. III. c. 1. reatum.» Wernsd. —
 113. diligis) diligit Lugd. Micyll. 1612. — 113. clientum) Alii: colentum. C. Sic
 Lugd. Micyll. Bersm. c. mgo: clientum libr. duo. — 120. Illic.) Vir doctus: Illi. C. —
 122. Sed) »Laur. Santenius V. C. in literis ad me datis suadebat et.» Wernsd. —

145.

126. munerat) Alii fociat. C. Sic Lugd. Micyll. Bersm. c. mgo: munerat Scal. et Jun. »Antiquae edd. ante Scal. et Jun., ut et Bersm., sic habent.« Wernsd. — 126. pudibundos) pudibundus Lugd. Micyll. »Pro pudibundos etiam quaedam antiquae habent pudibundus.« Wernsd. — 128. Ista p. labes) Alii: Iste p. livor. C. Fortasse Ipse p. livor dare voluit Cortius; nam ipse p. livor Lugd. Micyll. Bersm. exhibent. Bersm. mgo: ista procul labes. — 130 fastu) vasta Micyll. 1575. vitio typoth. — v. 131. ut) et Aurel. vitio typoth. — 140. Adducta) Alii: abducta. C. Sic Micyll. Bersm. c. mgo: adducta libr. tres. — 140. nec) alii: non. C. Sic Lugd. Micyll. Bersm. c. mgo: nec. — 142. nec) Alii: non. C. Sic Lugd. Micyll. Bersm. c. mgo: nec. — 142. arcu) alii: arcus. C. Sic Lugd. Micyll. Bersm. c. mgo: arcu. — 145. Ipsa vices natura subit) »Hein-

Aurea terrificis obcoecat sidera nimbis.
 Cessat hiems, madidos et siccatur capillos:
 Ver fugit aestates: aestatum terga lacessit 150.
 Pomifer autumnus nebulis cessurus et undis:
 Ignea quin etiam Superum pater arma recondit
 Et Ganymedeae repetens convivia mensae
 Pocula sumit ea, qua gessit fulmina, dextra.
 Temporibus servire decet: qui tempora certis 155.
 Ponderibus pensavit, eum si bella vocabunt,
 Miles erit: si pax, positae toga gestiet armis
 Hunc fora pacatum, bellantem castra decebunt.
 Felix illa dies totumque canenda per orbem,
 Quae tibi, vitales cum primum traderet auras, 160.
 Contulit innumeras intra tua pectora dotes.
 Mira subest gravitas inter fora, mirus omnia
 Paulisper gravitate lepos. si carmina forte
 Nectere ludenti iuvat fluitantia versu,
 Aonium facilis deducit pagina carmen: 165.
 Sive chelyn digitis et eburno verbere pulsas,
 Dulcis Apollinea sequitur testudine cantus
 Et te credibile est Phoebus didicisse magistro.
 Nec pudeat pepulisse lyram, cum pace serena
 Publica securis exsultent otia terris. 170.
 Nec pudeat Phoebea chelys, si creditur illis
 Pulsari manibus, quibus et contenditur arcus.

Variae lectiones.

sius ex ingenio emendavit: Ipsa vicis Natura suae variata recursus Ordinatur.
 Burm. Anthol. Lat. T. II. 344. » Wernsd. — 146. inversis et frondibus) Heinsius: in
 vernis nec frondibus. — 147. fluidis) pluviis Heinsius. — 148. et siccatur) ut siccet
 Heinsius. — 151. nebulis) Alii: nimbis. C. Sic Jun. Pulm. Scalig. mgo Bersm. Aurel.
 Heinsius. nubibus Lugd. in mgo nebulis. nivibus Barthius vult. — 151. undis) udis
 Heinsius. — 152. recondit) Forte: reponit. Wernsd. — 154. gessit) Forte: iecit.
 Wernsd. — 157. gestiet) Alii: vestiet. C. »Hoc etiam Bersm. pro variante apposuit,
 ipse tamen et caeteri gestiet ediderunt » Wernsd. — 158. decebunt) docebant Micyll.
 Lugd. 1575. — 159. orbem) Alii: aevum. C. Sic Lugd. Micyll. Bersm., c. mgo: orbem
 libr. duo. — 170. securis) securus Jun. Pulm. vitio typ. —

Ipse fidem movisse ferox narratur Achilles;
 Quamvis mille rates Priameius ureret heros
 Et gravis obstreperet modulatis buccina nervis. 175.
 Illo dulce melos Nereius extudit heros
 Pollice, terribilis quo Pelias ibat in hostem.
 Arma tuis etiam si forte rotare lacertis
 Inque gradum clausis libuit consistere membris
 Et vitare simul, simul et captare petentem: 180.
 Mobilitate pedum celeres super orbibus orbes
 Flectis et obliquis fugientem cursibus urges:
 Et nunc vivaci scrutaris pectora dextra,
 Nunc latus adversum necopino percutis ictu.
 Nec tibi mobilitas minor est, si forte volantem 185.
 Aut geminare pilam iuvat aut revocare cadentem
 Et non sperato fugientem reddere gestu.
 Haeret in haec populus spectacula totaque ludos
 Turba repente suos iam sudabunda relinquit.
 Te si forte iuvat studiorum pondere fessum, 190.
 Non languere tamen, lususque movere per artem
 Callidiore modo tabula variatur aperta
 Calculus et vitreo peraguntur milite bella,
 Ut niveus nigros, nunc et niger alliget albos.
 Sed tibi quis non terga dedit? quis te duce cessit 195.
 Calculus? aut quis non periturus perdidit hostem?
 Mille modis acies tua dimicat: ille petentem
 Dum fugit, ipse rapit: longo venit ille recessu,

Variae lectiones.

173. Ipse fidem movisse ferox) Alii: Sic movisse fides saevus. C. Sic Lugd.
 Micyll. Bersm. c. mgo: Ipse fidem movisse ferox Scal. et l. aliquot. — 174. heros)
 melius legetur Hector, quia heros redit. C. — 176. extudit) Alii: extulit. C. Sic Pulm.
 1576. Aurel. — 179. Inque gradum) Vir doctus: Inque gradu. C. — Ita correxit I.
 Lipsius Saturn II. c. 20. — Wernsd. — 180. Et vitare) Quidam: Et virtute. Corrupte.
 C. — 182. Flectis) Plectis Lugd. — 183. Et nunc) Alii: nunc quoque. C. Sic Lugd.
 Micyll. Bersm. c. mgo: Et nunc Scal. — Vir doctus (Barthius Advers. XXVII. 13.
 Wernsd) ex Ms. Et nunc scrutaris vitalia pectora dextra. — 188. haeret)
 Quidam: Moeret. Male. C.

Qui stetit in speculis: hic se committere rixae
 Audet et in praedam venientem decipit hostem. 200.
 Ancipites subit ille moras similisque ligato
 Obligat ipse duos: hic ad maiora movetur,
 Ut citus et fracta prorumpat in agmina mandra
 Clausaque delecto populetur moenia vallo.
 Interea sectis quamvis acerrima surgant 205.
 Proelia militibus: plena tamen ipse phalange
 Aut etiam paucis spoliata milite vincis
 Et tibi captiva resonat manus utraque turba.
 Sed prius emenso Titan versetur Olympo,
 Quam mea tot laudes decurrere carmina possint. 210
 Felix et longa iuvenis dignissime vita
 Eximiumque tuae gentis decus, accipe nostri
 Certus et hoc veri complectere pignus amoris!
 Quod si digna tua minus est mea pagina laude,
 At voluisse sat est: animum, non carmina iacto. 215.
 Tu modo laetus ades! forsitan meliora canemus:
 Et vires dabit ipse favor, dabit ipsa feracem
 Spes animum: dignare tuos aperire penates!
 Hoc solum petimus: nec enim me divitis auri
 Imperiosa fames et habendi saeva libido 220.
 Impulerit, sed laudis amor. Juvat, optime, tecum
 Degere cumque tuis virtutibus omne per aevum
 Carminibus certare meis. Sublimior ibo,
 Si famae mihi pandis iter, si detrahis umbram.

Variae lectiones.

199. rixae) rixa Bersm. 1582. vitio ut videtur typoth. — 202. »Obligat) Forte et hic:
 Alligat.« Wernsd. — 205. sectis) »Senflebius de Alea vet. cap. 12. legendum putat se-
 ptis« Wernsd. — 207. spoliata) Putares: spoliatus. C. »Et sic edidit Hadrianus Ju-
 nius.« Wernsdorf. Falso. Junius spoliata edidit. — 209. versetur) Forte mersetur,
 scil. Oceano. Wernsd. — 213. et) ut Lugd. Mieyll. — 216. canemus) Alii: tenemus.
 C. »Sic Scaliger et Pithoeus ediderunt.« Wernsd. Item Pulm. Aurel. — 220. impulerit)
 Sic Jun. Pulm. Scalig. mgo Bersm. Aurel.; ceter.: Impulerant. »Videtur legendum Im-
 pulerunt« Wernsd. —

- Abdita quid prodest generosi vena metalli, 225.
 Si cultore caret? quid inertī condita portu,
 Si ductoris eget, ratis efficit, omnia quamvis
 Armamenta ferat teretique fluentia malo
 Possit et excusso dimittere vela rudente?
 Ipse per Ausonias Aeneia carmina gentes 230.
 Qui sonat, ingenti qui nomine pulsat Olympum
 Maeoniumque senem Romano provocat ore,
 Forsitan illius nemoris latuisset in umbra,
 Quod canit, et sterili tantum cantasset avena
 Ignotus populis, si Maecenate careret: 235.
 Qui tamen haud uni patefecit limina vati,
 Nec sua Virgilio permisit numina soli.
 Maecenas tragico quatientem pulpita gestu
 Evexit Varium: Maecenas alta Toantis *
 Eruit et populis ostendit nomina Graiis: 240.
 Carmina Romanis etiam resonantia choris
 Ausoniamque chelyn gracilis patefecit Horati.
 O decus et toto merito venerabilis aeo
 Pierii tutela chori, quo praeside tuti
 Non unquam vates inopi timuere senectae. 245.
 Quod si quis nostris precibus locus et mea vota
 Si mentem subiere tuam, memorabilis olim
 Tu mihi Maecenas tereti cantabere versu.
 Possumus aeternae nomen committere famae,
 Si tamen hoc ulli de se promittere fas est 250.

Variae lectiones.

228. Ferat) Alii: gerat, C. Sic Lugd. Micyll. Bersm. c. mgo: ferat — 236. limina) Barth. Advers. XXII. 22. vult lumina. — 237. numina) Alii: nomina, C. „Sic Scalliger, Pithoeus, Junius dederunt. Solus Bersmannus numina.“ Wernsd. nomina Pulm. Aurel. numina etiam Lugd. et Micyll. — 238. gestu) caestu Lugd. Micyll. Bersm. Verum in his omnibus appositum invenies caestu: Bersmannus tres libros exhibere caestu testatur. — 239. Evexit Varium) Alii: Erexit Varum. C. Sic Lugd. Micyll. Bersm. c. mgo: evexit Varium Scalig. et libr. — 239. Toantis) Alii: tonantis, C. Sic Lugd. Micyll. Bersm. c. mgo: Toantis. Barthius Advers. XXIV. 14, pro alta Toantis vult alta Latinos; Wernsd. alta sonantis, Thoantis Pulm. 1576. Cort Aurel. Wernsd. —

Et deus ultor abest: superest animosa voluntas
 Ipsaque nescio quid mens excellentius audet.
 Tu nanti protende manum: tu, Piso, latentem,
 Exsere! Non humilis domus et sincera parentum,
 Sed tenuis fortuna sua caligine celat. 255.
 Possumus impositis caput exonerare tenebris
 Et lucem spectare novam, si quid modo laetus
 Annuis et nostris subscribis, candide, votis.
 Est mihi, crede, meis animus constantior annis,
 Quamvis nunc iuvenile decus mihi pingere malas 260.
 Coeperit et nondum vicesima venerit aetas.

Variae lectiones.

243. Horati) Arati Lugd. — 243. et toto m. v. aevo) Alii: in totum m. v. aevum
 C. Sic Lugd. Micyll. Bersm. c. mgo: et toto m. v. aevo. — 251. Et Deus ultor abest)
 Alii: Et deus auctor adest. C. »Hanc lectionem in margine ponit et minus probat
 Bersmannus. Ego vero in nullo meorum inveni.« Wernsd. Et Deus ultor abest Lugd.
 Micyll. Bersm. in his omnibus appositum invenies Et Deus auctor adest. — 253. Tu
 nanti) Cl. Santenius praefert Audenti. Idem referebat a viro docto ad hunc locum notatum
 »Tu nati.« Wernsd. — 254. Non) Omnes: nos. — 254. et sincera) »In Lucani exem-
 plari bibliothecae Leidensis Lipsius sua manu notaverat at sincera.« Wernsd. — 261. ae-
 stas) Alii: aetas. C. Sic Lugd. Micyll. Bersm. in mge omnes habent: aetas.

Addenda:

Barthius Advers. 49. 7. v, 52. pro quadrupedi dedit cornipedi; 24. 14. v, 239, non evexit
sed erexit. Adde p. 1. v. 6. a. f. post Wernsd.: Cf. Burm. Anthol. Lat. Tom. I, p. 207 — item p. 5.
v. 7. a. f. post Wernsd.: Cf. Burm. Anthol. Tom. II, p. 326.

